



U REGULAMENTU INTERNU DI I CIMITÒ CUMUNALI DI A CITÀ DI BASTIA

TÌTULU 1 : DISPUSIZIONE GENERALE

Articulu 1 : Dirittu à l'inumazione:

Articulu 2 : Affettazione di i terreni

Articulu 3 : Scelta di i spazii.

Articulu 4 : Ore d'apertura di i cimitò

Articulu 5 : Attitudine di e persone in u cimitò comunale

Articulu 6 : Arrubbecciu à discàpitu di e famiglie

Articulu 7 : Tràfficu di i veìculi

Articulu 8 : Cimitò di l'Ondina

Articulu 9 : Pulizza di u cimitò

Articulu 10 : Dispusizione chì tòccanu à l'esecuzione di u regulamentu internu

TITULU 2 : RÈGULE CHÌ TÒCCANU À L'INUMAZIONE

Articulu 11 : Documenti à rimette à l'arrivu di l'accompagnante

Articulu 11 : Documenti à rimette à l'arrivu di l'accompagnante

Articulu 12 : Azzione preliminare à l'inumazione

Articulu 13 : Inumazione in piena terra.

Articulu 14 : Tempi d'inumazione

TITULU 3 : RÈGULE CHÌ TÒCCANU À L'INUMAZIONE NANT'À I TERENI CUMUNI

Articulu 15 : Spaziu trà e sepulture

Articulu 16 : Riguarera di e parcelle

TITULU 4 : RÈGULE CHÌ TÒCCANU À E CUNCESSIONE È À I TRAVAGLI

Articulu 17 : Azzione sottumesse à un permessu di travagli

Articulu 18 : Viotu sanitariu.
Articulu 19 : Travagli imposti
Articulu 20: Custruzione di i tumbini
Articulu 21 : sepulture in piena terra:
Articulu 22 : Fissamentu di un'urna nant'à una cuncessione privata.
Articulu 23 : Tempu di i travagli
Articulu 24 : Sèguitu di i travagli
Articulu 25: Scrizzione
Articulu 26 : Chjappe di pulizia
Articulu 27 : Arnesi di pisatura
Articulu 29 : Acquistu di e cuncessione
Articulu 30 : Gènneri di e cuncessione
Articulu 31 : Spaziu Cinnerariu Culumbariu è u giardinu di a memoria
Articulu 32 : Diritti è òblighi di u cuncessiunariu
Articulu 33 : Rinnovu di e cuncessione
Articulu 34 : Retrocessione
Articulu 35 : Ripresa di e cuncessione
Articulu 36 : Dispusizione speciale pè un terrenu novu in Montesoru (terreni antichi cumuni B è D)

TÌTULU 5 : RÈGULE CHÌ TÒCCANU À I TUMBINI PRUVISORII (DEPUSITORIU)

Articulu 37 : Principiu

TÌTULU 6 : RÈGULE DA APPIEGÀ À L'ESUMAZIONE

Articulu 38 : Dumanda d'esumazione
Articulu 39 : Esecuzione di l'uperazione d'esumazione
Articulu 40 : Misure d'igiene
Articulu 41 : Apertura di e casce
Articulu 42 : Riduzione di e persone
Articulu 43 : Cascia ermètica

U Merre di a Cità di Bastia

Vistu a lege n°2008-1350 di u 19 dicembre 2008 rispettu à a legislazione funeraria ;

Vistu a lege n° 93-23 di l'8 di ghjennaghju di u 1993 mudifichendu u titulu VI di u libru III di u Còdice di e cumune è relativu à a legislazione di u spaziu funerale è i so decreti consecutivi ;

Vistu u Codice civile, anzituttu i so artìculi successivi;

Vistu u Codice Penale anzituttu l'articuli 225-17 è 225-18 è R610-5 ;

Vistu u Codice generale di e cullettività teritoriale, anzituttu l'articuli L2213-7 è successivi, L.2223-I è successivi, R2213-2 à R2213-57 è R2223-1 à R2223-98 ;

Vistu a deliberazione di u cunsigliu municipale di a cità di Bastia in data di u 2 di ghjugnu di u 2022 purtendu accunsentu à u regulamentu internu di i cimitò cumunali di a cità di Bastia;

Cunsiderendu ch'omu deve avvià e misure necessarie da accertà a sigurezza, a salubrità, a tranquillità pùblica, u mantenimentu di l'òrdine è a decenza di u cimitò.

ARRESTEMU

Premessa

Fora di un ammentu espressu, e dispusizione di u regulamentu presente s'appiega à i trè cimitò municipali di a cità di Bastia (Cardu, Ondina, Montesoru).

TÌTULU 1 : DISPUSIZIONE GENERALE

Articulu 1 : Dirittu à l'inumazione:

L'inumazione ùn si ponu fà senza ottene un permessu da u merre di a cumuna o u so rapresentante

Dirittu à l'inumazione:

- ✓ À e persone morte nant'à u territoriu di a cumuna.
- ✓ À e persone residente nant'à u territoriu di a cumuna,
- ✓ À e persone incù u dirittu à l'inumazione in una sepultura di famiglia o cullettiva.
- ✓ À i francesi stabiliti fora di Francia è chì èntrenu inde i criterii di u campu d'appiegazione di l'articulu L2223-3 4°di u Còdice Generale di e cullettività.,
- ✓ Per l'altri casi a decisione di cuncede sepulture chì rigùrdanu à a pulitica di a gestione di u Cimitò.

Articulu 2 : affettazione di i terreni

Includenu i terreni di u cimitò :

- ✓ I terreni cumuni attribuiti à a sepultura di e persone morte chì ùn hè dumandata cuncessione.

A messa à dispusizione di u terrenu si face di manera gràtisi per 5 anni, scorsu issu tempu l'amministrazione comunale si tene u dirittu, rispettu à i so bisogni di prucedu à a riduzione di i resti.

- ✓ E cuncessione per fundazione di sepulture private.

Articulu 3 : Scelta di i spazii.

I spazii riservati à e sepulture sò fissati da u merre o l'agenti delegati è disegnati da u merre.

Articulu 4 : Ore d'apertura di i cimitò

Cimitò di Montesoru :

Da u luni à a dumenica/ Estate-inguernu :

8 ore à 6 ore è mezu di sera (da u 1mu d'aprile à u 15 d'ottobre)

8 ore à 6 ore è mezu di sera (da u 16 d'ottobre à u 2 di nuvembre)

8 ore à 5 ore è mezu di sera (da u 3 di nuvembre à u 30 di marzu)

Cimitò di l'Ondina :

Da u luni à a dumenica:

Estate-Inguernu:

8 ore à 6 ore è mezu di sera (da u 1mu d'aprile à u 15 d'ottobre)

8 ore à 5 ore è mezu di sera (da u 16 d'ottobre à u 30 di marzu)

L'urarii ponu cambià in casu d'avvenimenti insòliti.

Articulu 5 : Attitùdine di e persone in u cimitò comunale

L'entrata di u cimitò hè impedita à e persone briache, à i tragulini, à i zitelli di menu di 10 anni senza accumpagnamentu, à i visitatori accumpagnati d'animali for di i cani chì scortanu e persone chì ùn ci vèdenu micca bè è altre persone chì ùn so vestute cum'ellu si deve è/o quelle persone ch'averianu un cumpurtamentu indecente

Sò pruibiti nentru à i cimitò :

- Ogni rimore, cumbùgliu, disòrdine, o qualunque offesa fatta à a ritenuta è à a tranquillità
- L'appusizione d'affissi, quadri o altri segni d'avvisu nant'à i muri è nentru u cimitò.
- U fattu di appichjassi à i muri d'accinta, e ferriate di sepulture, d'attraversà i ricinti sacri, di cullà nant'à i munumenti è làpide, di taglià o sradicà e piante nant'à e tombe di l'altri, di dannighjà di qualsiasi manera e sepulture.
- U dipòsitu di rumenzule è di verduraghju fora di i posti riservati.
- Ghjucà, beie, o manghjà.
- Piglià ritratti o filmà senza auturizzazione di l'amministrazione.
- A vèndita è a pubblicità, nentru à e porte di u cimitò.
- E sunerie di i funini in e cerimonie.
- I scrivacciulimi, disegni o altre fiure nant'à e cuncessione

E persone adimesse in u cimitò chì cuntravènenu à isse dispusizione (cumpresi l'uperai chì ci travaglianu) o ch'ella sia per via di u so cumpurtamentu mancherianu di rispettu à a memoria di i morti, seranu di sicuru messi fora da l'impiegati di u cimitò.

L'amministrazione si riserva u dirittu di purtà lagnanze secondu a gravità di i fatti

Articulu 6 : Arrubbècciu à discàpitu di e famiglie

L'Amministrazione ùn serà tenuta da rispunsèvule di l'arrubbecci nentr'à u cimitò.

Articulu 7 : Trafficu di i veìculi

✓ **Cimitò di l'Ondina**

U trafficu di i veìculi serà tulleratu, ma seranu inde l'òbligu di rispettà u còdice stradale di viaghjà à una vitezza massima di 10 chilòmetri à l'ora.

✓ **Cimitò di Montesoru :**

U trafficu di i veìculi serà tulleratu, ma seranu inde l'òbligu di rispettà u còdice stradale, viaghjà à una vitezza massima di 10 chilòmetri à l'ora.

U 2 di nuvembre, u trafficu di i veìculi serà pruibitu da 1 ora di dopu meziornu à 5 ore menu un quartu di sera.

✓ **Cimitò di Cardu**

Tràfficu di i veìculi hè pruibitu in sopr'à locu.

Articulu 8 : Cimitò di l'Ondina

In casu d'alerta meteo arancina, u Cimitò di l'Ondina serà chjosu à u publicu durante l'alerta meteorologica. Queste dispusizione sò in anda per tuttu u tempu di travagliu di risarcita di u locu.

Articulu 9 : Pulizza di u cimitò

Ogni viulazione di stu regulamentu serà nutata da u Cunservatore è u personale di u cimitò. I contravenenti ponu esse perseguitati davanti à i tribunali cumpetenti.

Articulu 10 : Dispusizione relative à l'esecuzione di u regulamentu internu

Stu regulamentu serà in anda à partesi da u 16 d'ottobre 2024.

TITULU 2 : REGULE RILATIVE À L'INUMAZIONE

Articulu 11 : Documenti à rimette à l'arrivu di l'accompagnante

À l'arrivu di l'accompagnante, u permessu d'inumazione cuncessu da u merre di a cumuna averà da esse presentatu à u cunservatore o à u so rapresentante.

Ogni persona chi mancherà à st'òbligu serà passibile di una cundanna censata da l'articulu R 645-6 di u Còdice Penale.

Articulu 12 : Azzione preliminare à l'inumazione

L'apertura di a sepultura serà fatta à minimu 24 ore prima di l'inumazione ; st'operazione devenu esse fatte da un'impresa ricunnisciuta da l'auturità prefetturale.

A sepultura turnerà à esse chjosa subito dopu l'azzione funerale fatta da listessa impresa.

Articulu 13 : Inumazione in piena terra.

Ogni scavamentu di sepultura in terra deve esse puntellatu di modu sodu da trave per cunsolidà durentu l'inumazione.

Articulu 14 : Tempi d'inumazione

L'inumazione ùn si po fà chè dopu un termine à minimu di 24 ore è di un termine massimu secondu e disposizione di l'articulu R 2213-33 di u Codice Générale di e Cullettività Territoriale.

Issa scadenza pò esse cambiata in casu di urgenza sè a morte hè accaduta dopu à una malatia appiccaticcia epidèmica, o sè l'urgenza hè dumandata da un duttore o da i casi previsti da a legge.

TITULU 3 : REGULE RELATIVE À L'INUMAZIONE NANT'À TERENI CUMUNI

Articulu 15 : Spaziu trà e sepulture

In u postu previstu in cimitò per e sepulture in terreni cumuni, ogni inumazione si ferà in a fossa specifica distante di l'altre fosse di minimum 40 cm

Ma in casu di calamità, di catastrofa o altri avvenimenti chì puderianu cagionà assai morti, L'inumazione si feranu ind'è e trincere distante di 20 cm.

L'inumazione sarebbenu in successione una dopu l'altra senza lascia spazii liberi tra e sepulture.

L'adopru di cascia ermetica o imputrescibile hè pruibita for di e cundizione sanitarie eccessiuale

chì a ricumandanu.

Articulu 16 : Ricùperu di e parcelle

Passatu a scadenza di 5 anni previsti da a legge, a cumuna puderà decide a ripresa di a parcella.

A decisione di u ricùperu serà purtata à a cunniscenza di u pùblicu per via d'affissu à u serviziu di u statu civile, in merria è in i cimitò.

À partesi da a data di decisione di ricùperu, e famiglie averanu 2 mesi per fà caccià i ricordi funerari è munumenti ch'elle averianu postu nant'à e seulture.

Passatu a scadenza, a cumuna principierà a smuntera è u spustamentu di i ricordi funerari è munumenti chì ùn serebbenu micca stati riguarati da e famiglie.

U sutterramentu di i resti si puderà fà.

Passatu sta scadenza, a cumuna piglierà u pussessu è determinerà l'adopru di sti beni micca reclamati. I resti murtali è l'affari di valori chì serianu trovati, seranu messi da parte in un reliquàriu sugellatu. I reliquàrii identificati seranu inumati in l'ussuariu.

I pezzi di cascia seranu incinnerati.

TITULU 4 : REGULE RILATIVE À E CUNCESSIONE È À I TRAVAGLI

Articulu 17 : Azzione sottumesse à un permessu di travagli

Ogni intervenzione nant'à una sepultura hè sottumessa à un permessu di travagli da u rispunsevule di u cimitò.

L'intervenzione cunsistenu soprattutto :

- ✓ a stallazione di una lapide,
- ✓ a custruzione di un tumbinu o di un falzu postu,
- ✓ l'appusizione di un munumentu,
- ✓ u rinnovu,
- ✓ a stallazione di parastasgi per e casce in i tumbini,
- ✓ a custruzione di una cappella,
- ✓ l'apertura di un tumbinu,
- ✓ l'appusizione di sustenimenti per e casce,
- ✓ L'apertura di un tumbinu
- ✓ l'appusizione di e lastre nant'à u columbarium...

Un permessu di travagli firmatu da u cuncessiunariu o u so rapresentante, indicherà a cuncessione scelta, i dati di l'intrapresa è a natura di i travagli da fà.

I travagli seranu definiti in modu precisu è accumpagnati da un pianu per specificà i materiali e l'impurtanza è u tempu previstu di i travagli.

I travagli devenu esse realizzati in cunfurmità cù e dispusizione di stu regulamentu è tutti i requisiti cuntenuiti è / o annessi à l'autorizzazione di travagliu.

Articulu 18 : Viotu sanitariu.

E cuncessione senza tumbinu, destinate à una sepultura in piena terra, deve rispettà un viotu sanitariu cù una altezza di 1 metru trà a cima di l'ultima cascia è in a terra naturale.

Articulu 19 : Travagli imposti

L'acquistu o u rinnovu di una cuncessione di terrenu hè sottumessu à i travagli seguenti :

- Lìmite precisendu a parcella concernata.
- Mantenimentu ind'un statu perfettu di una cuncessione esistente

Articulu 20: Custruzione di i tumbini

Terrenu di 2m²50 :

Tumbinu : lunghezza (L) 2.50m, larghezza (l) 1 m cù un massimu di 5 tumbini è un usuàriu

Terrenu di 5m² :

Tumbinu : lunghezza (L) 2.50m, larghezza (l) 2m cù un massimu di 10 tumbini è un usuàriu

E cuncessione seranu ubligatorie tracciate è scifrate da i servizii municipali, una separazione minima di 40 cm serà usservata tra ogni parcella.

Articulu 21 : sepulture in piena terra:

Ci sò 4 tipi di scavamenti :

- 1 metru 50 per e cuncessione destinate à riceve un (1) corpu
- 2 metri per e cuncessione destinate à riceve dui (2) corpi
- 2 metri 50 per e cuncessione destinate à riceve trè (3) corpi
- 3 metri per e cuncessione destinate à riceve quattru (4) corpi

Stela è munumenti :

E stela è monumenti ùn duveranu micca travanzà e limite di a cuncessione.

Articulu 22 : Fissamentu di un'urna nant'à una cuncessione privata.

U fissamentu di un'urna cineraria nant'à una cuncessione privata deve esse dichjarata in preliminare appressu à u cunservatore di u cimitò.

Stu fissamentu duverà esse fattu di manera à parà l'arrubbecci è e cascatoghje.

A rispunsabilità di a città di Bastia ùn puderà esse ricircata in casu di accidente

Articulu 23 : Tempu di i travagli

Fora di l'intervenzione indispensabile per l'inumazione, i travagli sò pruibiti à i seguenti perìudi, fora di l'auturizzazione speciale ghjustificata da un'urgenza è permessa da a cunservatrice di u cimitò

- ✓ Sabbati, Dumeniche, ghjorni festivi è a simana nanzu à i Santi.
- ✓ Durante l'inumazione, hè pruibitu di travaglià in a vicinanza di u situ.

Articulu 24 : Sèguitu di i travagli

A cumuna cuntrullerà i travagli di custruzione di manera à prevene tuttu ciò ch'ellu puderia accade à e sepulture vicine.

I cuncessiunari o custruttori duveranu tenèsi à l'indicazione date da l'agenti di a cità.

I cuncessiunari o custruttori anu l'obligu di fassi cunnosce da l'agenti di u cimitò à u principiu di i travagli per pudè verificà i lochi scelti.

In casi mai o malgradu l'indicazione è l'òrdini, sè u custruttore Maestru d'opera ùn rispetterà a superficia permessa à e regule imposte, a cumuna puderia fà compie subitu subitu i travagli.

L'opera di demulizione, di i travagli principiatu o eseguiti, serà fatta da l'amministrazione municipale a carica di l'intrapresa ch'è cuntravene.

I scavi per a custruzione di i tumbini è munumenti nant'à i terreni cuncessi duveranu, esse rincinti da i custruttori, ringhere oppuru prutetti d'ustàculi visibili è sòlidi per parà ogni periculu.

I travagli deveranu esse definiti di manera à ùn cumprumette a sicurezza pùblica è à ùn disturbà u passu è veni in i passeghji.

Alcunu depositu, di corta durata, di terra o di materiale, rivestimentu, è altra robba ùn si puderà fà nant'à e sepulture.

Mentre a realizzazione di i travagli seranu pigliate tutte e precauzione per ùn imbruttà e tombe vicine.

Hè pruibitu di spiazà o di caccia i segni funerari prisenti nant'à e tombe vicine, senza avè l'auturizzazione di e famiglie interessate è di u cunservatore di u cimitò. I materiali necessari per e custruzione seranu pruvisti segondu i bisogni.

Alcunu arnese meccanicu ùn si puderà ghjuvà per u trasportu di materiali nant'à e lapide esistente, si puderà passà solu nant'à u passaghju centrale.

I materiali previsti per a custruzione deve esse disposti segondu l'andatura di i travagli.

Articulu 25: Scrizione

E scrizione adimesse di pienu dirittu sò quelle di u nome è a casata di u defuntu è a so data di nascita è di morte ;

Altre scrizione averanu da esse sottumesse à u sgiò merre in preliminare.

Sè u testu da sculpì sarìa in lingua straniera, u cuncessiunariu duverà trasmette a so traduzione à l'amministrazione.

Articulu 26 : Chjappe di pulizia

In i cimitò di Cardu è Montesoru, ùn averanu e chjappe di pulizia à tuccà u duminiu comunale è vènu sottumesse à un'auturizzazione preffetturale di a Cunservatrice di u cimitò.

Articulu 27 : Arnesi di pisatura

I travagli ùn si ponu appughjà nant'à i munumenti vicini o l'alburi, u rivestimentu, di i passeghji o l'otli di cimentu.

Articulu 28 : Esecuzione di i travagli

Dopu i travagli, tuccherà à l'intraprese per sgumbrà i calcinacci è residui di scavi è tutta a robba ghjuvata per a custruzione, in cunformità di u codice di l'ambiente

L'intraprese aviseranu u cunservatore o u so rapresentante di l'esecuzione di i travagli. L'agenti

di u cimitò de venu assicurassi chì i travagli sianu in regula è rispettinu e dimensione cuncesse. L'impresari anu da pulisce cù cautella l'intornu di l'opere è riparà, in casu di bisognu. U materiale chì averà ghjuvatu per l'uccasione di i travagli serà subitu cacciatu da l'impresariu. I scavamenti seranu culmati di terra.

Articulu 29 : Acquistu di e cuncessione

E persone chì vòlenu una cuncessione inde i cimitò cumunali averanu da addirizzà si à u scagnu di u cunservatore.

Vista a natura particolare di u cuntrattu di cuncessione trà a municipalità è i cuncessiunari, ùn tocca micca à l'operatori funerari di rimpiazza e famiglie per l'acquistu è u pagamentu di una cuncessione funeraria, i tituli di cuncessione appartenenti solu à e cumune (Rep. min. n ° 27424 : JOAN Q 24 di maghju di u 1999 p. 3175).

L'acquistu hè autorizatu da u Merre di a cumuna.

A prima tappa di u pagamentu cunsiste in a creazione da u merre di un actu di cuncessione chì hè datu à a persona chì dumanda a cuncessione. Dutatu da stu titulu, u candidatatu pagherà à l'ordine di u Tesoru Pùblicu, situatu :

Service de Gestion Comptable de Borgo
60 impasse Monte Stellu
20290 Borgo

U percettore pruce una ricevuta dopu avè incasciatu u pagamentu. Dopu avè ricuperatu a so ricevuta u cuncessiunariu torna versu i servizii di u cimitò è rimette un esemplariu di a ricevuta.

U prezzu di e cuncessione hè fissatu per deliberazione in Cunsigliu Municipale. U cuncessiunariu ùn pò gode di a cuncessione è custruisce un munimentu quì solu dopu avè pagatu a somma currispundente.

E cuncessione ùn sò micca cessibile è pò sola a Cumuna à benefizià di a retrucessione. Hè pussibile à acquistà una cuncessione cù una lastra in i lochi da a riguarera di l'anticu terrenu cumunu B in Montesoru

Articulu 30 : Tipi di cuncessione

E famiglie anu a scelta trà di e cuncessione seguente :

- ✓ Cuncessione individuale : à u benefiziu di una persona insignata.
- ✓ Cuncessione cullettive : à u benefiziu di parechje persone insignate espressamente.
- ✓ Cuncessione famgliale : à u benefiziu di u cuncessiunariu è i membri di a so famiglia.

In l'ultima ipotesi, hè pussibile per stu tippu di cuncessione di ricusà u beneficiariu direttu.

E cuncessione di terrenu per un tempu di :

- 15 anni
- 30 anni
- 50 anni
- Per u sempre.

A superficia di u terrenu accurdata hè di 2,50 metri o 5 metri.

E cuncessione di càntere in u culumbariu sò acquistate per 15 è 30 anni.

Articulu 31 : Spazi Cinnerariu Culumbariu è u giardinu di a memoria

U culumbariu è u giardinu di a memoria sò messi à dispusizione di e famiglie da permette li di dipone l'urne è di mette ci e cennere.

Ùn si ponu spiazza l'urne di u culumbariu o di a tomba induve sò inumate, senza l'auturizzazione speciale di u merre. Stu permessu deve esse dumandatu per scrittu.

E forme di rinnuvelime (di l'articulu 29 di u prisente regulamentu) so appieghèvule per e cuncessione di e nichje di u culumbariu. In u casu di non rinnuvelime, a nichja prevista serà ricuperata da a città, è e cenere cuntenute in l'urna, seranu sparnucciate in u giardinu di a memoria.

E nichje di u culumbariu sò assegnate per 15 anni o 30 anni è sò rinnuvelate.

E dimensioni di l'alveoli so e seguente :

- larghezza : 0.41m
- altezza: 0.41m
- fundezza : 0.61m

E nichje sò previste per u depositu di un'urna o di più sè e dimensione a permettenu.

I depositi o ritiri di l'urne ùn si ponu fà senza una dumanda scritta in preliminare à u cimitò di a merria.

L'apertura è a serratura di e nichje sò à a carica di e famiglie.

E cuncessione di e nichje ùn ponu custituì un actu di vendita è ùn valenu micca da actu di pruprietà à prò di u cuncessionariu ma semplicemente un dirittu di gudimentu.

U giardinu di a memoria hè messu à dispusizione di e famiglie per permettelli di dipone l'urne è di sparnucciacci e cennere. Un'auturizzazione speciale scritta in preliminare à u cimitò di a merria.

E famiglie puderanu dumandà l'appusizione di una lapida d'identità pruvista da i beccamorti induve seranu scritti solu i nomi è e casate, annata di nascita è di morte di a persona in quistione.

Articulu 32 : Diritti è obblighi di u cuncessionariu

U cuncessionariu deve mantene a cuncessione in statu bonu di pulizia è di intratenimentu.

U cuntrattu di cuncessione ùn dà micca u dirittu di pruprietà ma solu un dirittu di gudimentu è di adopru cù destinazione speciale.

In casu di cambiamentu d'indirizzu, u cuncessionariu hè tenutu di infurmà a città di i so novi dati.

A cuncessione pò esse attribuita solu à l'inumazione.

I terreni seranu trattenuti da i cuncessionari in bonu statu di pulizia è l'opere in bonu statu di cunservazione è di resistenza.

Nant'à i cimiteri di Cardu è Montesoru, seranu realizzate solu piantazioni d'ornamentu.

Seranu disposte di manera à ùn disturbà a sorveglianza è u passeghju, è ùn duveranu oltrepassà u terrenu cuncessu.

Tutte e piantazione d'arbori sò pruibite.

Colpa per i cuncessionari di suddisfà issi obblighi è dopu à una messa in dimora fermata lettera muta durente 15 ghjorni, ferà l'amministrazione municipale un'azione davanti à e ghjuridizione repressive.

In casu di perìculu, puderà a città attaccà i travagli d'offiziu à e spese di i contravenenti.

Articulu 33 : Rinnuvelime di e cuncessione

E cuncessione sò da rinnuvelà à a scadenza di ogni perìudu di validità in cunfurmità cù i testi in anda.

U rinnuvelime ùn puderà esse fattu sè nisun sipultura hè stata realizzata. In stu casu, a cuncessione turnerà à a cità à scadenza è dopu u scolu di un tempu di 2 anni. dopu à a scadenza di u primu termini.

U cuncessionariu o i so beneficiari anu a pussibilità di realizà a rinnuvelamentu in u locu indè i trè (3) mesi chì precèdenu a scadenza, è finu à dui (2) anni dopu a data di scadenza

A data di presa di effettu di u rinnuvelime hè fissata à u lindumane di a data di scadenza di a cuncessione iniziale. E tariffe appieghèvule seranu quesse in anda u ghjornu di a so ghjunta, à scadenza è micca à a tariffa in anda à a data di dumanda di rinnuvelime (CA Lyon, 15 di maghju 2003).

Inde una cuncessione famigliale o cullettiva, ogni inumazione inde i 5 anni chì precèdenu a scadenza, inghjenna u rinnuvelime di a cuncessione chì piglierà effettu à a data di espirazione di u perìudu precedente.

Puderà a cità ricusà u rinnuvelime di una cuncessione per mutivi di sigurezza o di salubrità pùblica.

Un puderà una cuncessione fà l'ogettu di un rinnuvelime chè quandu i travagli richiesti da a Cità seranu fatti.

Articulu 34 : Retrocessione

U cuncessiunariu puderà cuncede à a cità una cuncessione nanzu à a so scadenza rispettendu e cundizione seguente :

- U o e salme averanu da fà l'ogettu di un'auturizzazione d'inumazione inde un altru cimitò accumpagnatu da a prova di l'acquistu di una cuncessione.
- Solu u cuncessiunariu puderà fà a dumanda di retrocessione

U prezzu di a retrocessione accettatu hè calculatu in funzione di u perìudu di a manera seguente :

- $\text{Prezzo iniziale} \times \frac{2}{3} \times \text{nùmeru d'annate restante} / \text{durata iniziale}$

In u prezzu totale in funzione di u tempu trascorsu, ogni annu principiatu hè cunsideratu cum'è compiu.

Articulu 35 : Ripresa di e cuncessione

In ciò chì tocca à e cuncessione in anda di validità, pò ingagià u Merre una prucedura di ripresa amministrativa sè e cundizione previste da a legge rispettu à e sepolture abandonate sò reunite.

I resti murtali chì vènenu da e cuncessione sò cullucate inde un reliquiariu è cunservate à l'ossuariu.

Articulu 36 : Disposizioni spciale pè u novu terrenu di Montesoru (antichi terreni). cumuni B è D)

1/ I travagli sò sottumessi à l'autorizzazione da a cunservatrice. St'autorizzazione deve esse cumpletata è firmata è deve include i termini previsti per i travagli è ancu a so natura;

2/ L'imprese verificanu u locu designatu in situ, u locu previstu in presenza di a cunservatrice o di u so rapresentante.a cunservatrice,

3/ L'imprese devenu avvisà imperativamente o u so rapresentante, di u principiu di i travagli è di a fine di i travagli. Un cunstatu cuntradditoriu di fine è di cunfurmità serà firmatu da l'impresa è da a cunservatrice. **Stu documentu serà necessariu per ottene l'autorizzazione d'inumazione, eccettu i casi eccezzionale ;**

4/ L'impresa sò tenute à rispettà e delimitazione per ùn impedisce l'accessu à i sepolcri vicini. A mancanza à stu rispettu custringhjerebbe l'amministrazione à impone a distruzzione di l'edifiziu per contu di l'impresa rispunsevule.

5/ U spaziu tra e tombe : secondu l'art. R. 2223-4 du CGCT, e fosse devenu esse distante di 40 cm da i lati è 30 cm in cima (i travagli finiti, cumpresi l'ornamenti).

6/ I materiali necessari per e custruzione devenu esse purtati man'à manu secondu u bisognu.

7/ i veiculi ùn puderanu circolà nant'à e lastre, si puderà passà solu nant'à e trincere centrale.

8/ Finitu i travagli, tuccherà à l'impresa di sbarazzà i calcinacci è tutta a robba ghjuvata per a custruzione

9/ L'impresari deveranu piglià tutte e precauzioni per lascià tuttu pulitu è è riparà, s'ellu ci vole i danni ch'elli puderanu avè fattu;

10/ Prima di principià qualsiasi opera, ci vole à fà firmà à i muratori a scheda tecnica relativa à i casseri, ferrami è pavimenti.

TÌTULU 5 : RÈGULE RELATIVE À I TUMBINI PRUVISORII

Articulu 37 : Principiu

I tumbini pruvisorii nantu à u situ di Monesoru è di l'Ondina ponu riceve per un tempu massimu di sei mesi, una salma in attesa di renumazione.

U dipòsitu di a salma si ferà solu nant'à dumanda presentata da a persona più vicina di u defuntu.

A cascia verà da esse ermètica.

U caccià di a salma si ferà inde e forme è cundizione prescritte da l'esumazione.

A a scadenza di i 6 mesi, si riserva u Merre u dirittu di fà l'iumazione di a salma inde un terrenu cumunu ?, o a cremazione s'ellu ùn c'hè opposizione cunisciuta o accertata (articulu R2213-29 CGCT).

TÌTULU 6 : RÈGULE APPIEGHÈVULE À L'ESUMAZIONE

Articulu 38 : Dumanda d'esumazione

Nisun'esumazione forchè quelle urdinate da l'auturità giudiziaria ùn puderà esse fatta senza l'accordu di u Merre.

U candidatu deve furnisce a prova di renumazione (Esempiu: certificatu da u cimiteru di un altru cumuni è deve furnisce a prova di u so statu civile, u so domiciliu è a so relazione cù u defuntu).

Pò esse ricusatu o rinviatu per ragioni in quantu à a preservazione di u bon'ordine in u cimiteru, à a decenza o à a salute publica.

A dumanda deve esse fatta da u parente più vicinu di u mortu. In casu di disaccordu cù i parenti, l'autorizzazione ùn pò esse emessa solu da i Tribunali.

Articulu 39 : Esecuzione di l'uperazione d'esumazione

L'esumazione si facenu prima di 9 ore o quandu i cimitò sò chjosi à u pùblicu.

Si ponu fà in presenza di persone qualificate per assiste, sottu a tutela di u persunale di u cimiteru è in presenza di u cummissariu di pulizza o di u so rapresentante.

Articulu 40 : Misure d'igiene

E persone rispunsevule di prucedu à l'esumazione anu da aduprà robba è prudutti di disinfezzione imposti da a legislazione.

St'operazione sò realizate da l'impresa o l'associu chì si gode di l'auturizzazione. I legni di e casce seranu brusgiati. I resti murtali devenu esse posti cù decenza è rispettu in un reliquiariu di grandezza adattata è seranu posti in l'ossariu furnitu à questu apposta

Se si trova qualcosa di valore, serà postu in u reliquiariu è a notificazione serà fatta in u rapportu di esumazione.

Articulu 41 : Apertura di e cascie

Sè à u mumentu di l'esumazione, un tumbinu si trova in bona cundizione, ùn pò micca esse apertu.

Sè u tumbinu hè trovu dannighjatu, a persona serà tramutata in un altru tumbinu di misura scelta patti è cundizione chì a scadenza di a morte sia di più di 5 anni.

Stu reliquiariu serà interratu inde a listessa tomba, sia trasportatu in un altru cimitò sia messu in cremazione, sia purtatu in l'ossuariu.

Nisun attaccu à l'integrità fisica di a persona pò accade durante st'operazione (articulu 225-17 di u codice penale)

Articulu 42 : Riduzione di e persone

Per via di mutivi ligati à l'igiene è u rispettu per i morti, ogni riduzione dumandata da a famiglia di stende a pussibilità d'accolta di una sepultura esistente, hè pruibita s'ellu ci si trova u defuntu dipoi menu di 5 anni.

A dumanda averà da esse accumpagnata a dumanda da l'auturizzazione firmata da l'inseme di i parenti più vicini di u defuntu cuncernatu, accumpagnata da a fotocopia di a pezza d'identità è di a prova di a so qualità (librettu di famiglia per indettu...).

Articulu 43 : Cascie ermètiche

Ogni cascia ermètica per via di malatie attaccaticce ùn puderà esse esumata.

Abulisce u regulamentu internu precedente è s'appiega à l'inseme di i cimitò di Bastia.

A municipalità informa chì st'attu regulamentariu pò esse l'ogettu di un appellu

Per abusu di putere davanti à u Tribunale Amministrativu di Bastia in una scadenza di dui (2) mesi da a so pubblicazione.

Fattu in Bastia, u 16 ottobre di u 2024

U Merre

Signé électroniquement le 21/11/2024,


Pierre SAVELLI